

Еуразиялық экономикалық комиссия Алқасының 2017 жылғы 26 қыркүйектегі № 128 шешіміне өзгерістер енгізу туралы

Еуразиялық экономикалық комиссия Алқасының 2022 жылғы 10 наурыздағы № 36 шешімі

ЗҚАИ-ның ескертпесі!

Осы бұйрықтың қолданысқа енгізілу тәртібін 2-т. қараңыз.

Еуразиялық экономикалық одақтың Кеден кодексінің 434-бабының 1-тармағына сәйкес Еуразиялық экономикалық комиссия Алқасы **шешті**:

1. Қосымшаға сәйкес Еуразиялық экономикалық комиссия Алқасының 2017 жылғы 26 қыркүйектегі "Уәкілетті экономикалық операторлар тізіліміне кіргізу жайындағы өтініш туралы" № 128 шешіміне өзгерістер енгізілсін.

2. Осы Шешім ресми жарияланған күнінен бастап күнтізбелік 30 күн өткен соң күшіне енеді.

*Еуразиялық экономикалық комиссия
Алқасының Төрағасы*

М. Мясникович

Еуразиялық экономикалық
комиссия Алқасының
2022 жылғы 10 наурыздағы
№ 36 шешіміне
ҚОСЫМША

Еуразиялық экономикалық комиссия Алқасының 2017 жылғы 26 қыркүйектегі № 128 шешіміне енгізілетін ӨЗГЕРІСТЕР

1. Көрсетілген Шешіммен бекітілген Уәкілетті экономикалық операторлар тізіліміне кіргізу жайындағы өтініш нысанында:

бірінші жолдың жоласты мәтіні мынадай редакцияда жазылсын:

(өтініш берушінің құрылтай құжаттарына сәйкес толық және қысқаша (бар боған кезде) атауы, өтініш берушінің ағылшын тіліндегі атауы, өтініш берушінің тілегі бойынша - орналасқан жері, электрондық пошта мекенжайы, телефонмен байланысу нөмірлері)";

2-графадағы 10-тармақтағы I бөлімде "өтініш берушінің" деген сөздер "тізілімге кіруден үміткер заңды тұлға" деген сөздермен ауыстырылсын;

2-графадағы 10-тармақтағы III бөлімде "тізілімге кіруден үміткер заңды тұлға" деген сөздер "өтініш берушінің" деген сөздермен ауыстырылсын;

VI бөлімде:

2-графадағы 1-тармақтағы "тізілімге кіруден үміткер заңды тұлға" деген сөздер "өтініш берушінің" деген сөздермен ауыстырылсын;

Кестеден кейін "(өтініш берушінің қойылған қолы)" деген сөздер "(өтініш берушінің басшысының қойылған қолы)" деген сөздермен ауыстырылсын, "(өтініш берушінің Т.А.Ә.)" деген сөздер "(өтініш берушінің басшысының Т.А.Ә.)" деген сөздермен ауыстырылсын;

Қол қойылған күн көрсетілген жолдан кейін мынадай мазмұндағы ескертпемен толықтырылсын:

"Ескертпе. Өтініш берушінің тілегі бойынша өтініштің сыртқы жағында өтінішті құраушы адамның аты-жөні, тегі, телефонмен байланысу нөмірі көрсетілуі мүмкін".

2. Көрсетілген Шешіммен бекітілген уәкілетті экономикалық операторлар тізіліміне кіргізу жайындағы өтініш нысанын толтыру тәртібінде:

а) 1-тармақ мынадай редакцияда жазылсын:

"1. Уәкілетті экономикалық операторлар тізіліміне кіргізу жайындағы өтініште (бұдан әрі – тиісінше өтініш, тізілім):

тізілімге кіруден үміткер заңды тұлғаның (бұдан әрі - өтініш беруші) құрылтай құжаттарына сәйкес толық және қысқаша (бар болған кезде) атауы;

өтініш берушінің ағылшын тіліндегі атауы;

орналасқан жері, электрондық пошта мекенжайы, телефонмен байланысу нөмірлері (өтініш берушінің тілегі бойынша);

Еуразиялық экономикалық одаққа мүше мемлекеттің (бұдан әрі - мүше мемлекет) салық органы (мемлекеттік кірістер органы) берген нөмірі көрсетіледі.

б) 9-тармақтың екінші абзацы мынадай мазмұндағы абзацтармен ауыстырылсын:

"Бұл ретте өтініш беруші кестенің 3-графасында:

Еуразиялық экономикалық комиссия Алқасының 2019 жылғы 2 сәуірдегі №53 шешімімен бекітілген жеке басты куәландыратын құжаттардың түрлерінің сыныптауышына сәйкес жеке басты куәландыратын құжат түрінің кодын;

әлем елдерінің сыныптауышына сәйкес (Еуразиялық экономикалық комиссия Алқасының 2010 жылғы 20 қыркүйектегі №378 шешіміне № 22 қосымша) жеке басты куәландыратын құжатты берген уәкілетті орган елінің (өңірдің немесе елдің бір бөлігінің) кодын;

жеке басты куәландыратын құжаттың сериясын, нөмірі мен берілген күнін, сәйкестендіру нөмірін (бар болған кезде);

тіркеу мекенжайын (тұрғылықты жерін) және (немесе) жеке басты куәландыратын құжаттарға сәйкес уақытша болу орнын (Ресей Федерациясы үшін) қосымша көрсетеді.
".